

CAGAMAS RAIH ANUGERAH KEWANGAN MAMPAN THE ASSET BAGI MALAYSIA



Dari kiri ke kanan: Leong See Meng – Ketua Pegawai Perniagaan, Kameel Abdul Halim – Presiden/Ketua Pegawai Eksekutif, Jocelyn Chew – Ketua, Produk Borong & ESG dan Delvin Chong, Ketua Pegawai Perbendaharaan & Pelaburan



Leanne Susau – Ketua, Komunikasi Strategik ketika Majlis Anugerah di Hong Kong

Kuala Lumpur, 20 Mac 2024 - Cagamas Berhad (“Cagamas”/ “Syarikat”), Perbadanan Cagaran Malaysia, telah diberi penghormatan dengan dua anugerah berprestij - **Penerbit Terbaik untuk Kewangan Mampan (Malaysia)** dan **Penerbit Terbaik**, oleh peneraju penerbitan kewangan The Asset di Anugerah Kewangan Mampan Triple A The Asset 2024, di Hong Kong. Anugerah itu merupakan satu pengiktirafan terhadap peranan Cagamas

sebagai pengendali kecairan dalam pasaran modal hijau yang sedang membangun dan menyokong objektif yang lebih meluas untuk beralih kepada ekonomi rendah karbon.

“Kami amat gembira menerima anugerah ini daripada The Asset, yang mencerminkan komitmen kami untuk menyokong pembangunan pasaran modal hijau di Malaysia dan rantau ini. Sebagai Perbadanan Cagaran Malaysia, kami mempunyai peluang dan tanggungjawab unik untuk menggalakkan perumahan mampu milik dan hijau, serta menyokong keterangkuman kewangan dan kesejahteraan sosial masyarakat yang kami berkhidmat,” kata Kameel Abdul Halim, Presiden/Ketua Pegawai Eksekutif Cagamas.

Beliau menambah, “Kami berterima kasih atas sokongan padu daripada pihak berkepentingan yang telah membolehkan kami mencapai kejayaan ini. Kami akan terus mengutamakan inovasi dan kerjasama untuk meluaskan saluran pembiayaan kami dan mempelbagaikan asas pelabur kami.”

Anugerah Kewangan Mampan The Asset memberi penghormatan kepada penerbit penentu pasaran abad lalu yang telah membantu mencatatkan peningkatan di rantau ini. Anugerah adalah berdasarkan proses penilaian yang teliti yang mempertimbangkan strategi, pelaksanaan, hasil dan kesan urus niaga penerbit, serta prestasi dan inisiatif kemampuan keseluruhan penerbit.

Mengenai Cagamas

Cagamas Berhad (“Cagamas”), Perbadanan Cagaran Malaysia, telah ditubuhkan pada 1986 untuk menggalakkan tebaran pemilikan rumah yang lebih luas dan pertumbuhan pasaran gadaai janji sekunder di Malaysia. Ia menerbitkan bon dan sukuk untuk membiayai pembelian pinjaman perumahan daripada institusi kewangan dan bukan institusi kewangan. Penyediaan mudah tunai kepada institusi kewangan pada kos yang berpatutan kepada Peminjam utama pembiayaan perumahan menggalakkan pengembangan pembiayaan untuk rumah pada kos yang berpatutan.

Model Cagamas memperoleh pujian daripada Bank Dunia sebagai kemudahan mudah tunai gadaai janji sekunder yang paling berjaya. Cagamas merupakan penerbit instrumen hutang kedua terbesar selepas Kerajaan Malaysia dan penerbit bon korporat dan sukuk AAA terbesar dalam pasaran. Sejak diperbadankan pada tahun 1986, Kumpulan Cagamas telah mengumpulkan dana secara kumulatif kira-kira RM425.85 bilion bon korporat dan sukuk.

Bon dan sukuk Cagamas terus diberikan penarafan tertinggi AAA/Stabil/P1 oleh RAM Rating Services Berhad dan AAA/MARC-1 dan AAA_{IS}/MARC-1_{IS} oleh Malaysian Rating Corporation Berhad, menandakan kualiti kreditnya yang kukuh. Cagamas juga dipuji di peringkat antarabangsa dan telah diberikan penarafan penerbit jangka panjang dalam mata wang tempatan dan asing A3 oleh Moody’s Investors Service Inc. yang selaras dengan penarafan kedaulatan Malaysia.

Cagamas Berhad

No Pendaftaran Cagamas Berhad 198601008739 (157931-A)

Tingkat 32, The Gardens North Tower

Mid Valley City, Lingkaran Syed Putra 59200 Kuala Lumpur

Tel: +603 - 2262 1800 | Faks: +603 - 2282 9125

www.cagamas.com.my

Pertanyaan media

Leanne Susau

Tel: +603 - 2262 1719

communications@cagamas.com.my

Lucia Wee

Tel: +603 - 2262 1868

communications@cagamas.com.my